



数据加载失败，请稍后重试！

中國地方志集成

江蘇府縣志輯 ⑦

同治蘇州府志
(一)

鳳凰出版社 ● 上海書店 ● 巴蜀書社

圖書在版編目(CIP)數據

中國地方志集成·江蘇府縣志輯/鳳凰出版社編選.
南京:鳳凰出版社,2008.4(2011.6重印)
ISBN 978-7-80729-169-5


I. 中… II. 鳳… III. ①中國—地方志②江蘇省—地方志 IV. K29

中國版本圖書館 CIP 數據核字(2008)第 019338 號

中國地方志集成·江蘇府縣志輯

-
- | | |
|------|-------------|
| 編 選 | 鳳凰出版社 |
| 責任編輯 | 薛 飛 卞惠興 王華寶 |
| 封面設計 | 范一辛 |
-
- | | |
|------|---|
| 出版發行 | 鳳凰出版傳媒集團
鳳凰出版社(原江蘇古籍出版社)
南京市中央路 165 號 郵編 210009
發行部電話 025—83223462 |
| 集團網址 | 鳳凰出版傳媒網 http://www.ppm.cn |
-
- | | |
|------|--|
| 印 刷 | 上海世紀嘉晉數字信息技術有限公司
上海市匯金路 899 號 郵編 201700 |
| 開 本 | 787×1092 1/16 |
| 印 張 | 3073.75 |
| 版 次 | 2008 年 4 月第 1 版 2011 年 6 月第 2 次印刷 |
| 標準書號 | ISBN 978-7-80729-169-5 |
| 定 價 | 36000.00 圓(全六十八冊) |
-

(本書凡印裝錯誤可向承印廠調換,電話:021—69214197)



同治蘇州府志(一)



(清) 馮桂芬 纂
(清) 李銘皖 修
譚鈞培

本書據清光緒八年（一八八二）江蘇書局刻本影印。

粵惟神禹治河分定九州
禹貢揚州之域嘗磨蝎牛
之位列婺女星之分野自泰伯
端委開吳以禮讓立國五言子
北學於孔子而仁義道德之說
益浸淫而充物周秦迄乎由國

蘇州府志 序

而郡而州而軍而路而府唐宗
列於緊密其地襟三江帶五湖
東枕大海衣冠文物財賦之雄
為東南一大考會同治十三年
余奉

命來撫吳中暇披志系什不存

然真歎乃識情江南通志為初
先後有成書者而蘇州府志亦
告竣為考百有五十卷閱序於
余：惟方志之作本於土訓誦
訓原其生以詔地教遊所忘以
地俗尔雅之才咨於故實所以

蘇州府志 序

敦勸民行誠和庶政也蘇府隸
江蘇布政使為行省領和九縱
橫無過三千里幅幘不廣而取阜
甲於倭郡

國家承平二百餘年垂鑒之儻皆
之翰墨黃髮之叟不識戈矛原

濕之地常得屬豐山海所厚多
殫述于是夸豪好侈崇棟宇
美庖厨捐財無益之務廢產
不急之地物盛而衰魚枯生蠹
粵逆之擾雖曰外寇良由內訌
揀以來大使儉約慎靜與民休

蘇州府志

序

三

息我

主上眷念東南恩澤之加吳中尤厚
自經兵燹又普減田賦涵濡於太
平之化者又已垂二十年矣余蒞
任六載夙夜兢兢不懈益勵思所
以厚民生而正民行乃田疇墾未

盡墾頽垣廢址觸目皆是即郡城
而論胥門郭郭曩時列肆如櫛
貨物填溢櫛闕相空商賈輻輳
故老類能道之今則輪船迅駛北
自京畿南達海徼者又不在蘇而
在滬矣固時勢為之有不得而

蘇州府志

序

四

然者乎其市貨云集之所綺縠
文繡珠玉玩好星羅棋布駟儉
既或終日不一售所鬻之少
所得益無贏焉濶闕去虛而戶
鮮蓋藏既庶且富將何道之從
與余中州人也中州少漕運之利

覽吳郡各國眾流畢笑小支別派
 控捕方夷故墜居东南冢卑更
 而少旱潦之害此其得也瘡痍
 之後士女溺以遊覽為乐吳郡
 賦所云珠服玉饌者風俗未革
 此其失也至於兵制水陸各隘
 蘇州府志 序 五

演放槍礮講求手眼遠矚前
 非今優而者能乃創鉅而痛深
 鑒於遠者或不詳鑒於近者為
 尤切後之君子讀是志考謀思
 夫州郡之於置財賦之贏縮塘浦
 之通塞兵制之异宜文章節義

之振發民俗習尚之遷流遂及
 於教化禮樂之大務求其所以革
 乎所以失以期仰副

聖天子刻俗型方之至言是則予
 與二三君子所共勉也夫

光緒七年四月撫吳使者固始

吳元炳序

重修蘇州府志序

吳在周初一小國也自周秦迄今由國而郡而州而軍而路而府遂為東南一大都會其風土之清嘉田賦之蕃溢衣冠文物之殷阜人才藝文之閎偉甲天下攷古者每樂志之而吳中舊志自吳平越絕書趙睦春秋而後若張勃顧夸陸道瞻王僧虔

蘇州府志

序

董監虞世基諸家所紀詳已惜久佚李宗諤撰祥符圖經在宋已亡今所存者惟陸廣徽之吳地記朱長文之圖經續記龔明之之紀聞龔宏之續紀聞陸友之舊事陸輔之雜志類皆各紀所聞略而未備南宋范文穆始成吳郡志五十卷明盧公熊繼之更為四十六卷邱公霽史公簡曹公鳳

先後纂輯未及成書迨王文恪以吳文定遺書為準成姑蘇志六十卷網羅遺失摭掇舊文始稱大備矣我

朝龍興以來俊彥蔚起超越旁郡而疆域財賦兵防學校建置增析莫不加隆於往昔且恭逢

翠華臨幸

蘇州府志

序

二

宸翰揮灑喬鑠彪炳湖山輝麗實古今未有之盛以及蠲除賞賚諸大政仁恩淵普迴軼曩代皆不可以矢志故虛公騰龍修之於前覺羅公雅爾哈善繼之於後道光初石公韞玉復增訂舊志成百六十卷燦然稱備迄今又將六十年矣歲久事湮無徵不信且地經兵燹之後凡海

防兵制之增設額賦逋糧之蠲免士夫頌
暨之忠義節烈與增學額以勵人文濬河
道以溉農田設義倉以備荒歉他若城郭
官廨壇廟祠宇之次第興修者皆有關於
政治之大風化之始自非筆之於書何以
垂示於將來乎於是中允馮先生桂芬起
而任之徵佚舉墜補缺蒐遺書法慄然協

蘇州府志

序

三

於史例惜稿粗具先生遽捐館舍賴分纂
諸君詮次排比彙勒成編為一百五十卷
一仍中允之舊書既成乞弁言於余憶余
自奉

命由毘陵移守是邦以迄開藩游護撫篆
簿書填溢絕眇暇晷幸以歷官之久得備
聞中允及諸君摭輯之勤未嘗不愜焉慕

之惟是邦迭更瘡痍民氣未復而習俗侈
靡猶狃故常當剏鉅痛深之餘無還真返
樸之實恐靡麗之俗變為虛竭耗蠹之氓
淪於孱荼實有心者之所懼亦官斯土者
之隱憂誠能漸移風尚力持本原慨然以
復古昔為事將使民回易耳目循循向化
陽攝其浮動之情而陰培其純固渾樸之

蘇州府志

序

四

氣所謂風土之清嘉田賦之蕃溢衣冠民
物之殷阜人才藝文之闕偉日新歲殊不
難上比熙隆之盛是則政教之所闡風俗
運會之所繫夫豈僅一邦志乘之光哉余
既歷敘紀載之原流編輯之始末而自慙
尠惠漸濡靡術尤不能不惓惓於是焉
光緒八年仲春月江蘇布政使譚鈞培序

重脩蕪州府志序

海內言地志者曰吳郡為最古吳之有志
權輿於吳地記吳地後記吳郡記大輿六
朝唐曰前人所作雖其書多亡然散見於
群籍者猶可得其概也至宋范文穆始創
為吳郡志為後來志乘之祖明盧學博王
文恪踵而成書並為海內稱述蓋吳中地
大物博自漢以來為東南剽郡生其地者

蘇州府志 序

多魁碩奇偉之士文章政績彪炳千古又
其戶口殷蕃井賦充溢政務填委輒數倍
他郡故掌故曰曰益而記纂曰曰難我
朝文治昌明一脩於康熙辛未再脩於乾
隆丁卯三脩於道光癸未同治己巳郡守
李觀察 銘 晚 延中允林一馮先生更為編
緝藹略具而中允歸道山哲嗣申之比部
培以太守賡續之得清於成畢太守 保釐

繼守斯郡又延分脩諸君覆校曰期無豪

髮之憾而後已至光緒壬午刻竣蓋前後
閱十有四載矣昔文穆之為吳郡志得郡
人翼頤騰歲周南為之佐猶越四十餘年
始版行於世文恪繼脩吳文定先為之草
創又得杜啟祝允明蔡文朱邢諸賢助之
今太守亦復廣延髦俊晨夕孳孳其用力
之久且勤也蓋如是或者不察謂不免於

蘇州府志 序

繁重嗚呼此豈得已哉盧王二志視范書
倍之康熙乾隆志再倍之道光志又增益
焉歲月愈積紀載愈繁今者兵燹之後營
建紛如軍制變易田賦蠲減忠義節孝每
類增數巨冊且舊事之不得不補者又居
十之二雖欲矯而趨於簡其可得乎馮中
允負經世才未竟其用庚申之難創議乞
師為書千餘言其後戡定東南悉符其策

又撰減賦條議當事據以入告民困曰蘓
顯志堂稿記兵一篇載入郡志尤具史筆
是書雖非出一人之手然大旨詳而有體
足備吳中五十年来文獻應鑠陳臬此邦
俟焉五載過從鉛槧間竊有以窺其用心
之所不在故持揭之以告世之讀是書者
光緒九年歲次癸未孟夏署理蘓州布政
使江蘇按察使廣州許應鑠謹序

蘇州府志

序

三



重修蘇州府志序

粵夫采風問俗輶軒成太史之書攷獻
徵文志乘備職方之選矧兵戈之後典
物重新率由雅本舊章經畫實同創
始纂修增輯勒為成書官斯土者之
責也姑蘇控三江通五湖土田膏腴物
產饒沃歷代以為行省政教所被居列
郡先聲明文物之盛甲乎海內我

蘇州府志

序

一

朝休養生息繁富日增而文武衣冠之
盛繁乘纂組之工琳宮梵宇之清幽勝
水名山之襟錯以及闕河之衝要塵市
之駢闐真東南精華之府也康熙乾隆
兩朝屢荷

六飛巡幸其時

翠華臨駐

天藻褒題庶徵集而物阜年豐元氣

培而家給人足熙々皞々稱極盛焉迄嘉慶道光朝二百年中凡三脩府志舉凡郡中山川道里風土人物與夫累朝蠲賦減賦

省方觀稼諸大畝備載於舊志中咸豐庚申粵匪下窺彤天一炬赤地千里問故家之有木盡沒蒿萊訪屬邑之圖書胥歸劫火舊志鈇板六蕩然無存

蘇州府志

序

二

矣自相國合肥李公被

命巡撫以一旅之衆轉戰而前激潰兵為貔虎之師奪殘黎於緹縲之口遂克省垣開軍府招集散亡墾闢荒穢

朝廷俯允李公請減蘇糧三之一吳民望風未歸者如蠶斯屬迺裁營勇以歸標定漕運以行海修水利而資蓄洩增屯戍以固樊籬詎令之可更考更之

當仍者仍之同治八年始得開局修志於是禮者賢招英俊經羅放失纂述紀聞優之以膏火寬之以歲月務臻詳贍足示未茲余時以道負經理善後每當修廢舉墜攷古証今未嘗不歎前人締造之艱而規復非一日事也今夏奉命權集使家適新志告成司局事者陶筱農太守問序於余自維謏陋從前官

蘇州府志

序

三

輟皆在江以北後雅借籌善局而規模展定愧無建白今得附其名於篇末余之幸也至後之官斯土者博覽是編舉凡郡中山川道里風土人物與夫所以沿革之故剖析源流甄別同異融會貫通若指諸掌則所以福吳民以為列郡先者當必有在徐而俟之雅以復昔日全盛之蘇郡無難也時光緒七年歲

次辛巳小陽月上浣
賜同進士出身署江蘇按察使司按察
使五河鄗雲鶴序

蘇州府志

序

四

重脩蘇州府志序

禹貢職方志之權與古以為制治之要莫先於此宋元以後體例日繁而命意之本原漸失然後之人徵文考獻亦有取焉故功令通志三十年一脩其大者田賦水利兵制沿革而次及於人物蘇府賦額尤重松次之常又次之先緒五年余由常量移蘇郡閱三年而府志適成惟時陶子肖農董劑劇之後工竣問序於余余喜是書之成而不敢有其功也爰為之述其顛末而推本古人作志之意以復於同事者曰大學言平治之書而終之以有德有人有土有財有用我

蘇州府志

序

一

朝德澤洋溢民穀物阜土地之廣而財賦之雄東南之都會則以蘇州所屬為甲於他郡夫民惟邦本而利用乃以厚生水利所以生財用也兵制所以衛財用也要非本之於德不足以德

是四者

國家承平二百餘年，蠲緩之詔，史不絕書。戡亂以來，普減蘇松賦，則莅斯土者，宣上之德，興脩水利，沾被兆姓，講求兵制，防患未然，奉揚仁風，益以光大。是則志之所緣起，而不失手禹貢職方之本旨也。論者或斷於人物一門，竊謂沿革大政，有繫民生所宜煌煌大書，以資考鏡。故有待於脩若人物，固考獻所不遺。蘇郡賢哲，皆代生

蘇州府志

序

二

前之輯有成書者，體例已善。後賢輩出，弟有侏於續取其公耳，取無溢耳，非必專注於此以為志無大於此者也。溯舊志脩於道光辛巳，閱三歲告成，是役也。同治己巳，開局迄光緒丁丑，脫稿倡始於李公薇生中，更數手都人士各履所長，闕者補之，訛者訂之。迄今又數易寒暑，始克付梓，何難易遲速之懸殊歟。蓋昔人承乾嘉隆盛之後，典章圖籍燦然具備，故事

易而工速，自粵逆肆擾，歷有年所，故家藏帙無復存者，舊版亦灰於兵燹，而欲網羅散失，採摭成書，有不能剝期藏事者。時勢殊故，難易殊也。茲輯分一百五十卷，視昔加詳。余來蘇最後而得先覩，為快何幸。如之惜乎。簿書期會之煩，日不暇給，不克終始，卒業賴與是役者任纂校之勞，費十餘年之日力，以成是編，余不敢掠美以為己功也。若夫脩志之本意，余尚

蘇州府志

序

三

樂與諸同人道其詳云

光緒七年秋九月，知蘇州府事浣川畢保釐謹序

重修蘇州府志序

余於同治初元欽承

恩命來守是邦正值兵燹之餘一切善後事宜如修輯學校城垣建立書院公署倉庫等皆奉憲委次第舉行惟郡志一書溯自道光三年纂修後已越四十餘年其間復遭髮逆之亂凡一郡之文物掌故損益廢興以及忠義節烈之足以風世厲俗者烏可勝道若歷久無書必致湮沒不彰是亦守土者之責也爰告之中丞方伯敦請馮景亭宮允免以總纂之任宮允余同年進士也於學無所不貫及門多博雅淹通之士因是彙萃羣賢采訪修輯殫心竭慮各盡所長於同治八年開局纂修至十三

蘇州府志

序

一

年夏將及成書而宮允遽歸道山令嗣申之比部克承父志繼總其成越兩年而書以脫稿適余奉觀察安襄鄖荆之

命屈指以來歲閱七稔成之之難也如是蓋書本繁重又洵經兵革文獻無徵蒐采不易故歷年綦多然較之吳郡志逾四十年而梓行姑蘇志歷三十餘年更六七郡守始成者遲速亦甚懸絕矣嘗攷蘇州志自范盧王三志後惟乾隆時郡守雅公所修為最善以故宮允定議體例悉遵乾隆志而略為變通卷分一百有五十為門三十有三其中如人物不強判標題而統為分縣序代各傳必以正史為主而旁參他書田賦科則統排為表而使閱者一目瞭然藝文冢墓必重加攷證貞孝節烈則廣

為校羅凡此皆審慎精嚴獨具手眼誠足以匡文體翊史裁媲美於范盧王三志者也余守是邦前後已十有餘年深幸與此邦人士若有夙緣惟自慚政拙曾無利澤及民而於將行之際獲觀是書之成俾得署名簡端傳之久遠尤幸事也而申之比部淵源家學慎始圖終克續先人未成之書并不負余鄭重誣誣之意更得諸君子孳孳矻矻博采廣搜得成為一郡信史是不第余之幸又重為是邦幸也因就纂修始末撮其大要而為之序云

光緒三年二月二十日

賜進士出身

蘇州府志

序

二

諾授資政大夫二品頂戴湖北安襄鄖荆兵備道前蘇州府知府中州李銘皖謹序